

Алексей Трофимович КИСЕЛЕВ

Кели-ämtнӓ Советд сунъгългъна 594-ч номертӓ Элистинск сунъгъврин округар СССР-н Деед Советин депутатин кандидат

Алексей Трофимович Киселев 1906 джил, Ярославск областин, Рязанцовск района, Карсаково деревнӓд тӓрсмн. Кучкӓлснӓ уулдврӓн ур Киселев 1921 джил эклсмн. Турӓлӓд баячулд яльчд заргдгагъад, дакад артельд дархна алхч, торф гаргългънд машинист кӓдлдж йовсмн.

1929 джилӓс ӓвн 1930 джил кӓртл А. Т. Киселев Улан Цертг церглӓд, 1929 джил тендӓн Коммунистическ партин зерглӓнд орулдж авгдсн бӓӓсмн.

Цергӓс бууснаннь хӓбн эн тӓрскин селӓндӓн ирӓд, 1936 джил кӓртл эн ӓкн авгтан селӓнӓ Советин партийн организацин сеглӓтр болдж, дакад Ярославск областин Переславск районд, гаха ӓсклг совхозин фермин залврч болдж кӓдлсмн.

1937 джил ур Киселев Москвад, селӓнӓ эдл-ахун К. А. Тимирязевин нертӓ Академд, совхозин директормудин нег джилӓ курс тӓгскӓд, Хальмг автономн тангъчнин, Приютченск района, 4-ч номертӓ совхозд ӓкн авгтан директорин дарукл, дакад 1937 джилин декабрь сард директорт батлгдсмн.

Эн эдл-ахун Алексей Трофимович Киселев 20 гар джил тасрхан уга кӓдлджӓнӓ. Кесг джилӓ практическ кӓдлмшиннь ашд эн байн дамшлт дасдж авад, эдл-ахун сӓӓнӓр медг гардач болдж ӓсв.

4-ч номертӓ совхоз Хальмг автономн тангъчд ӓбдӓн делгрлтӓ, нурт йовгч эдл-аху-

син негнь. Гангъта тегин таалуга бӓӓдлд бӓӓсн бийнь, эн совхоз селӓнӓ эдл-ахун продуки гаргългъан джил ирвӓс икдӓлӓд, эврӓннь эдл-ахугъан делгрӓлӓд йовна. Зулг сӓл хойрхн джилин эргӓд совхоз махна тохмта бод малиннь тоогъан 700 гар толгъа ӓскӓл, хӓбгъӓн болхла—8 мингъвн толгъа ӓскв.

1957 джил госуларствд буудӓ болн малин шим-шурс орулдж ӓгъ зурагъан совхоз болзгаснь ӓмн, давулдж кӓцӓв. Селӓнӓ эдл-ахун продукин бийиннь унинь кимдрӓлв.

Совхозд ик гидг эдл-ахун болн культурн тосхлт кегддж бӓӓнӓ. Ганцхн 1957 джил, ӓмтн бӓӓх 45 гер, 8 кошар, 6 дулан катг бӓргдв, сӓл джилмудт совхозин газр деер 13 боодт кегдв.

Эдл-ахугъан чадмг кевӓр гардад, ӓмнг болн ӓмнгшрсн газр джилмудт орулгъар кӓцвр бӓрсн тӓлӓлӓн А. Т. Киселев Ленинӓ орденӓр болн Куч-Кӓлснӓ Улан Тугин орденӓр ачлгдсмн.

Хальмг автономн тангъчнин Элст белгъсна „Победа“ колхозин колхозникудин, селӓнӓ эдл-ахун специалистрин, Приютненск ра-

йона 4-ч номертӓ совхозин кӓдлмшчнрин, церглӓчнрин болн селӓнӓ эдл-ахун специали стирин олна хургуд ур А. Т. Киселевиг Кели-ämtнӓ Советд сунъгългъна 594-ч номертӓ Элистинск сунъгъврин округар СССР-н Деед Советин депутатин кандидатт темгллчӓхӓ.

Окружной сунъгъврин комисс ур Алексей Трофимович Киселевиг Кели-ämtнӓ Советд сунъгългъна 594-ч номертӓ Элистинск сунъгъврин округар СССР-н Деед Советин депутатин кандидатт орулдж бичв.

